

## **Peqqissaasut sulisinnaatitaanerat sulinerallu pillugit Inatsisartut peqqussutissaannut nr. 7, 30. oktober 1995-imeersussamut**

Kalaallit Nunaanni peqqinnissaqarfik pillugu inatsimmi nr. 369-imi, 6. juni 1991-imeersumi § 1 aamma § 3 naa-pertorlugu aalajangersarneqarpoq:

### **Kapitali 1.**

Peqqissaasutut (napparsimasunîk paarsisutut) sulisinnaatitaaneq.

§ 1. Peqqissaasutut sulisinnaatitaallunilu peqqissaasutut taaguuteqarsinnaatitaavoq taamaallaat inuk § 2 aamma § 3 naapertorlugit sulisinnaatitaanermut akuersissummik tunineqarsimasoq.

§ 2. Inuk Kalaallit Nunaanni peqqissaasutut soraarummeersimasoq qinnuteqarnikkut peqqissaasutut sulisin-naatitaanermut akuersissummik tunineqarsinnaatitaavoq.

Imm. 2. Sulisinnaatitaanermut akuersissut Naalakkersuisunit nalunaarutigineqassaaq.

Imm. 3. Taamaattorli sulisinnaatitaanermut akuersissummik nalunaarfigineqarsinnaanngilaq inuk peqqissaasutut sulinermini inoqatiminut navianarsinnaasorinarpoq timikkut eqqarsartaatsikkulluunniit amigaaqarnini annertuumilluunniit sumiginnaasimanini pissutigalugit.

Imm. 4. Sulisinnaatitaanermut akuersissut aammattaaq itigartitsissutigineqarsinnaavoq pinerluttulerinermut inatsimmi § 114, imm. 2-mi taaneqartutut pisoqartillugu.

§ 3. Naalakkersuisut qinnuteqarnikkut peqqissaasutut sulisinnaatitaanermut akuersissut nalunaarutigisinnaavaat inunnut , Kalaallit Nunaata avataani ilinnigaqarsimasunut, ilinniarsimaneq ilinniartitaanermut § 2-mi taaneqartumut sanilliunneqarsinnaappat.

Imm.2. Peqqissaasutut sulisinnaatitaanermut akuersissuinmi pineqartup peqqissaasutut sulinera killiliivigineqarsinnaavoq .

Imm. 3. Sulisinnaatitaanermut akuersissutip atuuffia killilerneqarsinnaavoq.

Imm.4. Maani nunami peqqissaasut , Kalaallit Nunaata avataani peqqissaasutut ilinniagaqarsimasut sulisinnaatitaanerat sulinerallu pillugit maleruagassanik erseqqinnerusunik Naalakkersuisut aalajangersaasinnaapput.

Imm. 5. Naalagaaffinnik allanik isumaqatigiissutit naammassiniarlugit Inatsisartut peqqussutaata matumap pisariaqartitsineq naapertorlugu sanioqqunneqarsinnaaneranut maleruagassat erseqqinnerusut Naalakkersuisut aalajangersarsinnaavaat, naalagaaffeqatigiinnerullu iluani isumaqatigiissuteqarlutik.

### **Kapitali 2.**

Sulisinnaatitaanermut akuersissummik arsaarneqarneq tunineqaqqinnerlu.

§ 4. Peqqissaasutut sulinermini inoqatiminut navianaateqarsorinarpat Naalakkersuisut,

Peqqinnissakkut Nakkutilliisoqarfiup inassuteqareerneragut, pineqartup peqqissaasutut sulisinnaatitaanermut akuersissutaanik arsaarneqarnissaa qulakkeersinnaavaat.

**§ 5.** Immikkut pisoqartillugu, peqqissaasup suliinnarnissaa inuunermut timimullu navianaateqarsinnaasutut nalilerneqarpat Nakorsap Peqqinnissakkut Nakkutilliisuutitap peqqissaasooq peqqissaasutut sulisinnaatitaaneranik arsaarallarsinnaavaa .

Imm. 2. Imm. 1 naapertorlugu aalajangernerit tamatuma kingorna sapaatip akunneri sisamat qaangiutsinnagit Naalakkersuisunut inaarutaasumik aalajangigassanngorlugit saqqummiunneqartassapput .

**§ 6.** Peqqissaasup Naalakkersuisut tungaannut peqqissaasutut sulisinnaatitaanermut akuersissutini piffissami aalajangersimasumi utaqqiisaasumilluunniit atorumajunnaarsinnaavaa.

Imm. 2. Sulisinnaatitaanermut akuersissut uterteqqinneqarsinnaavoq, atorunnaarsitsineri piffissaliunneqartut aalajangerneqarsimasooq qaangiuppat, aammali piffissaliussap aalajangersimasup ingerlanerani pissarsiareqqinneqarsinnaalluni , Naalakkersuisunut qinnuteqarnikkut, pissutsit naapertorlugit atorunnaarsitsiner-mut pissutaasut atuukkunnaarsimappata .

Imm. 3. Naalakkersuisut arsaarinninnermi, utaqqiisaasumik arsaarinninnermi, nammineerluni atuiunnaarnermi sulisinnaatitaanermullu akuersissummik pissarsiniaqqinnermi aalajangiineri allaffissornikkut oqartussaasunut allanut naammagittaalliuutigineqarsinnaanngillat.

**§ 7.** Peqqissaasutut sulisinnaatitaanermut akuersissut nunami allami sulisinnaatitaanermut akuersissut anguneqarsimasooq toqqainmavigalugu maani nunami tunniunneqarsimasooq, Naalakkersuisunit arsaarinnissutigineqarsinnaavoq, akuersissut nunami allami pineqartumut arsaarinnissutigineqarpat allatulluunniitat atorsinnaassuseeruppat.

**§ 8.** Peqqissaasutut sulisinnaatitaanermut akuersissummik nalunaarut arsaarinninnerlu kikkunilluunniit takuneqarsinnaassapput.

Imm. 2. § 2 aamma § 3 naapertorlugit peqqissaasut sulisinnaatitaanermut akuersissummik peqartut Naalakkersuisut nalunaarsugaatigissavaat.

### **Kapitali 3.**

Peqqissaasup pisussaaffii akisussaaffiilu.

**§ 9.** Peqqissaasooq sulinermini peqqissaarnermik nalunngeqatiginnissutsimillu takutitsisussaavoq.

Imm. 2. Nakorsap katsorsaanissamik peqqussutaa peqqissaasumit allanngorteqqusaanngilaq.

Imm. 3, Peqqissaasooq katsorsaaleqqusaanngilaq katsorsaanermulluunniit peqataaqqusaanngilaq, napparsimasup katsorsartinnissi akuersaanngippagu, taamaalioersinnaavorli allamik immikkut tunngavissaqartinneqarpat.

**§ 10.** Peqqissaasooq pinerluttulerinermut inatsimmi § 29 naapertorlugu pisussaavoq isertuussat nammineq inuu-nermut attuumassuteqartut, peqqissaasup sulinermini ilisimalersimasami oqaatiginnginnissaannut, peqqissaasooq tamanut imminut allanulluunniit erseqqissumik iluaqutaasinnaasumik pissutissaqartumik oqaaseqartussaataaannikkuni iliuuseqartussaataaannikkuniluunniit.

§ 11. Peqqissaasut pisussaapput, pisortat peqqinnissamik isumaginninnerat eqqarsaatigalugu peqqinnissamut oqartussaasut piunasaqarnerisigut nalunaaruteqarnissamut unnerluussinissamullu. kiisalu inatsisit malillugit paasissutissiinissamut nalunaaruteqarnissamullu pisussaaffitsik malissallugu.

§ 12. Peqqissaasooq pisussaavoq qinnuigineqarnermigut pisariaqartitsineq naapertorlugu ikiueqqaarnissamut utaqqiisaasumillu ikiuinissamut, pissutsit nalaanneqartut sukkaasuumik ikiuunnissaq pisariaqavissorinartikkaangassuk aammalu juumooq nakorsaluunniit imaluunniit peqqinnissaqarfimmi sulisoq alla piginnaassusilik imaaliiallaannaq pissarsiarineqarsinnaanngikkaangata.

Imm. 2. Peqqissaasooq pissuteqarluni najuutinnigippat imaluunniit piffissaagallartillugu piginnaanilimmik allamik ikiuisoqarsinnaappat, pissutsit naapertorlugit taamaaliornissamut qaninnerusumik, peqqissaasooq pineqartoq tamatumani pisussaaffeqartinneqanngilaq.

Imm. 3. Juumooq, nakorsaq peqqinnissaqarfimmiluunniit sulisoq alla peqataannigitsut peqqissaasooq ikiueqqaarsimaguni pisussaavoq Naalakkersuisut maleruagassiaat erseqqinnerusut malillugit juumuumut nalunaarsoqqusat nalunaarutigeqqusallu ingerlatissallugit.

§ 13. Peqqissaasooq taamaallaat nakorsaatini atuisinnaavoq allaganngorlugu nakorsaatini atueqquneqarnermigut imaluunniit nakorsap allaganngorlugu nakorsaatini atueqqusineratigut nakorsalluunniit nammineerluni takkunneratigut.

Imm. 2. Nunap ilaani aalajangersimasumik nakorsaqarfiumngitsuni taammaattoq nakorsaatit atueqquneqarsinnaapput imaluunniit nakorsamit oqaaasinnaakkut atueqqullugit piginnaatitsissutigineqarsinnaapput.

Imm. 3. Taamaattoq § 12, imm. 1-imisut pisoqartillugu peqqissaasup nakorsaatit misilinneqartareersut pisarnertut annertussusilerlugit nakorsaq nakorsaatini atueqqusiteqqaarnagu piginnaatitsissumilluunniit tunniussiteqqaarnagu atorsinnaavai.

Imm. 4. Naalakkersuisut § 12 naapertorlugu pissutsit qanoq ikkaangata qanorlu annertutigisumik ikiuisoqassanersoq erseqqinnerusumik maleruagassiussavaat, § 12-ilu naapertorlugu naapertorlugu nakorsat peqqissaasooq nakorsaatini atuisinnaatissallugu piginnaatissinnaavaat.

#### **Kapitali 4.**

##### Nakkutilliineq.

§ 14. Peqqissaasooq Nakorsamit Peqqinnissakkut Nakkutilliisuutitamit nakkutigineqartussaavoq.

Imm. 2. Peqqissaasooq pisussaataivoq, Nakorsap Peqqinnissakkut Nakkutilliisuutitap piunasaqarneragut nakkutilliinerup piviusunngortinneqarnissaanut paasissutissat pisariaqartinneqartut tunniutissallugit.

#### **Kapitali 5.**

##### Pineqaatissinneqarsinnaanermut aalajangersakkat.

§ 15. Inuk takoqqusaarinikkut, allagartaliinikkut, saqqarmiumik atuinikkut imaluunniit allatut piginnaatitaanani peqqissaasutut imminut taagortoq imaluunniit peqqissaasutut sulisinnaatitaanermut akuersissummik peqartutut isumaqalersitsisoq akiliisisussanngorlugu eqqartuunneqarsinnaavoq.

§ 16. Peqqissaasoq sulinermi nalaani annertuumik imaluunniit arlaleriarluni sumiginnaarujussuartoq imaluunniit qoqutigittaatsuliortoq § 9, imm. 1-3, § 10, § 13, imm. 1-3 naapertorlugit akiliisussanngorlugu eqqartuunneqarsinnaavoq.

Imm. 2. Peqqissaasoq § 11-mik, § 12, imm. 1-imik 3-millu kiisalu § 14, imm. 2-mik unioqquitsisoq akiisussanngorlugu eqqartuunneqarsinnaavoq.

§ 17. Peqqissaasoq pinerluttulerinermik inatsimmi § 114, imm. 2 naapertorlugu peqqissaasutut sulisinnaatitaanermik arsaarneqarpat, unnerluussisussaataitaasup tamanna Naalakkersuisunut nalunaarutigissavaa.

## **Kapitali 6.**

Atortuulersitsinermi ikaarsaariarnermilu aalajangerskkat.

§ 18. Peqqussut atuutilissaaq 1. januar 1996.

Imm. 2. Tamatumunnga peqatigitillugu peqqissaasut pillugit inatsit nr. 127, 25. maj 1956-imeersoq kingusinnerusukkut allangortinneqartartoq atorunnaarsinneqarpoq.

§ 19. Inuit peqqissaasutut Kalaallit Nunaata avataani peqqissaasutut sulisinnaatitaanermut akuersissummik angusaqarsimasut, Kalaallit Nunaannilu 1. januar 1996 sulisut piumasaqaatit allangortinnagit peqqissaasutut sulinertik ingerlatiinnarsinnaavaat, § 1-imi aalajangersagaq apeqqutaatinnagu.

*Namminersornerullutik Oqartussat, ulloq 30. oktober 1995*

Lars Emil Johansen

/

Marianne Jensen